

Bangga kejayaan Insaniah

KUALA KETIL - Yang di-Pertuan Agong, Tuanku Abdul Halim Mu'adzam Shah melahirkan rasa bangga dengan kejayaan Kolej Universiti Insaniah (Insaniah) memperkasakan sektor pendidikan melibatkan gabungan ilmu dunia dan akhirat.

Baginda bertitah, Insaniah melalui usaha giat seluruh warganya berjaya menerima pengiktirafan tahap empat iaitu sangat baik dalam perincian markah sistem penerapan institusi pengajian tinggi Malaysia, Setara 2011 dari Agensi Kelayakan Malaysia (MQA).

"Kini, Insaniah sedang melalui proses pemerkasaan demi merealisasikan hasrat mencapai taraf universiti penuh dengan setara lima bintang yang memberi tumpuan penuh kepada usaha menjaga dan menjamin kualiti, bukannya kuantiti.

"Hal ini sejajar dengan hasrat kerajaan negeri untuk melihat Insaniah muncul sebagai institusi pengajian tinggi Islam berwibawa dan berprestasi tinggi yang menghasilkan graduan berkualiti dan berintegriti," titah baginda semasa istiadat konvokeyen Insaniah ke-15, semalam.

Tuanku Abdul Halim ber-



Tuanku Abdul Halim menyampaikan sijil kepada penerima Ijazah Sarjana Muda pada istiadat konvokeyen Insaniah ke-15, semalam.

titah, dengan ciri keistimewaan yang tersendiri iaitu mengekalkan komposisi tenaga pengajar-nya yang terdiri daripada cerdik pandai dan ulama terkemuka dari luar negara, terutamanya Al-Azhar, Mesir. Insaniah akan berjaya menambah bilangan pelajarnya pada masa depan.

"Ia secara tidak langsung membuktikan peranan Insaniah sebagai hub-pendidikan antara-bangsa kerana diyakini bahawa pelajarnya dapat bertindak sebagai agen perubahan kepada negara asal mereka, terutama negara dunia ketiga.

"Beta juga yakin, bilangan pe-

lajar tempatan akan bertambah apabila program perubatan terus dibuka. Sesungguhnya, beta amat berbesar hati menjadi Canselor Insaniah kerana beta tahu bahwa semua bakal graduannya terlatih dan terdidik dengan ilmu dunia dan akhirat dalam suatu gabungan atau kombinasi yang amat dituntut oleh Islam," titah baginda.

Baginda turut menyeru supaya seluruh rakyat Kedah untuk bersama-sama mengucapkan syukur ke hadrat ALLAH kerana menjadikannya sebagai sebuah negeri yang aman makmur, rakyatnya hidup aman damai.